

REGLUGERÐ

um réttindi til vinnu og meðferðar á vinnuvélum.

1. gr.

Tilgangur reglugerðar þessarar er að auka öryggi á vinnustað vegna notkunar vinnuvéla.

Þeir einir mega vinna með vinnuvélum, t. d. jarðýtu, lyftikrana, vélskóflu eða skurðgröfu, og öðrum slíkum vinnuvélum, sem til þess hafa öðlzt réttindi samkvæmt reglugerð þessari.

Ef um stórar eða vandasamar vinnuvélar er að ræða, sem mikil slysaætla stafar af, er hægt að krefjast sérstaks aukaprófs, (meira prófs), að undangenginni þjálfun í starfi með algengum vinnuvélum og skal binda slíkt próf við 21 árs lágmarksaldur.

Ráðherra úrskurðar um vafaatriði, sem rísa kunna samkvæmt þessari grein.

2. gr.

Sá, sem óskar að ganga undir próf til að sýna kunnáttu sína í að vinna með getur í 1. gr., sem orðinn er fullra 17 ára, hefur nægilega góða sjón og heyrn og staðizt hefur próf, sem sýni hæfni hans og kunnáttu í meðferð slíkra tækja, samkvæmt 4. gr.

3. gr.

Sá sem óskar að ganga undir próf til að sýna kunnáttu sína í að vinna með tækjum þeim, sem reglugerð þessi nær til, skal senda skriflega umsókn um prófun til öryggiseftirlits ríkisins.

Umsókninni skulu fylgja:

- a. Læknisvottorð.
- b. Vottorð um, að umsækjandi hafi notið kennslu í meðferð og vinnu með vinnuvélum, frá manni, sem rétt hefur á að kenna að vinna með slíkum tækjum samkvæmt 5. gr.

4. gr.

Telji öryggiseftirlitið umsókn og meðfylgjandi skilríki samkv. 3. gr. fullnægjandi, felur öryggismálastjóri starfsmanni öryggiseftirlitsins að prófa umsækjanda, enda hafi hann áður sótt námskeið öryggiseftirlitsins í meðferð vinnuvéla.

Þeim einum má veita hið meira próf samkv. 3. mgr. 1. gr., sem áður hefur staðizt framangreint próf og hefur að minnsta kosti 2000 klst. þjálfun í starfi með vinnuvél.

Standist umsækjandi prófið, fær hann í hendur skirteini, sem öryggiseftirlitið gefur út og veitir honum réttindi þau, sem um getur í 1. gr.

Skal handhafi skirteinis jafnan hafa það við hendina þegar hann er að vinna með tæki því, sem skirteinið varðar.

Skirteini gildir í 5 ár frá útgáfudegi. Óski handhafi skirteinis að endurnýja það að þeim tíma liðnum, skal læknisvottorð fylgja umsókn um endurnýjun.

Námskeið heldur öryggismálastjóri þegar þörf krefur og eigi sjaldnar en tvisvar á ári.

Gefa skal út bráðabirgðaskirteini til þeirra, sem lokið hafa tilskilinni starfsreynslu með vinnuvél, sem gildir frá því að henni er lokið þar til þeir hefja nám á námskeiði því, er í reglugerð þessari greinir.

5. gr.

Sá einn hefur réttindi til að kenna öðrum að vinna með vinnuvélum þeim, sem reglugerð þessi nær til, sem að loknu prófi samkv. 4. gr. hefur unnið með slíkri vinnuvél samtals 1000 klst., eða öðlast réttindi samkvæmt 7. gr.

Óski eigandi tækis, sem reglugerð þessi nær til, að stjórnandi þess kenni öðrum meðferð tækisins, er honum skylt að gera það án sérstaks endurgjalds, enda hafi hann rétt til þess að kenna samkv. 1. mgr. þessarar greinar og kennslan fari fram á venjulegum vinnutíma. Þó má kennsla ekki fara fram þar, sem margir menn vinna eða slysaætta getur stafað af kennslunni.

6. gr.

Enginn má neyta áfengis, æsandi eða deyfandi lyfja við vinnu með tækjum þeim, sem reglugerð þessi nær til, samkvæmt ákvæðum 25. gr. umferðarlaga.

Verði stjórnandi tækis, sem reglugerð þessi nær til, uppvis að vítaverðri óaðgæzlu eða kæruleysi við vinnu með tækjunum, getur öryggismálastjóri svipt hann rétti til að vinna með slíku tæki.

7. gr.

Sá, sem við gildistöku reglugerðar þessarar hefur um hálfis árs skeið eða lengur unnið með tæki, sem reglugerðin nær til, getur öðlast réttindi til þess að vinna með slíku tæki án þess að ganga undir próf samkv. 4. gr., enda hafi hann sótt námskeið öryggiseftirlitsins í meðferð tækja þessara og sé kunnur að varkárni í starfi.

8. gr.

Ef tæki, sem reglugerð þessi nær til, er búið sjálfhreyfibúnaði, skal sá, sem ekur því, hafa rétt til að stjórna slíku ökutæki samkv. ákvæðum umferðarlaga.

Ökuskirteini, sem veitir rétt til að stjórna ökutæki, veitir þó engan rétt til að vinna með tæki, sem reglugerð þessi nær til.

9. gr.

Brot gegn reglugerð þessari varða sektum allt að kr. 25 000.00, nema þyngri hegning liggi við að lögum.

Reglugerð þessi, sem sett er samkvæmt lögum nr. 39 29. apríl 1967, um breytingu á lögum nr. 23 1. febrúar 1952, staðfestist hér með til að öðlast þegar gildi og birtist til eftirbreytni öllum þeim, sem hlut eiga að máli.

Reykjavík, 5. september 1967.

Jóhann Hafstein.

Kristinn Gunnarsson.